



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-05-38844-61/19 KB
Sarajevo, 11.11.2019.godine

SKUPŠTINA KANTONA SARAJEVO

N/r: Predsjedavajući Skupštine

- Ovdje -

Predmet: Odgovor na zastupničko pitanje zastupnice Bibije Kerla – dostavlja se

Zastupnica **Bibija Kerla** na 14. Radnoj sjednici Skupštine Kantona Sarajevo, održanoj dana 30.10.2019.godine, u okviru tačke Dnevnog reda „Poslanička/zastupnička pitanja, inicijativa i odgovori“, a u skladu sa članom 211. i 214. Poslovnika Skupštine Kantona Sarajevo postavila je zastupničko pitanje:

„ Kada će se konačno usvojiti Odluka o zonama sanitarne zaštite i zaštitnim mjerama u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine FBiH“, broj: 88/12)“

Образложење:

Kanton Sarajevo je bogato prirodnim izvorištima sa koji se stanovništvo KS snabdjeva pitkom i sanitarnom vodom.

Vodni resursi koji se nalaze na području sarajevskog kantona čine temeljnu osnovu njegovog razvoja i zadovoljenja osnovnih životnih potreba. Današnji trend njihovog korištenja i odnosa prema njima ukazuje na to da bi oni mogli postati limitirajući faktor razvoja Kantona, ukoliko se blagovremeno ne poduzmu odgovarajuće planske mjere usmjerene na razvoj i kontinuirano provođenje procesa integralnog upravljanja vodnim resursima koji pripadaju KS-u.

Centralni sistem kojim upravlja KJKP“Vodovod i kanalizacija“

Nijedno izvorište u centralnom sistemu nema usvojenu Odluku o zonama sanitarne zaštite i zaštitnim mjerama u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine FBiH“, broj: 88/12).“

Sarajevo, 30.10.2019.godine

Zastupnica DF-a
Bibija Kerla



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

ODGOVOR:

Generalno uzevši, izvorišta vode za piće se dijele, u ovisnosti od količine zahvatanja vode, kao i broja stanovnika koje opslužuju, na ona koja su od interesa za Federaciju BiH i ostala, koja su od interesa za kanton. Sva izvorišta kapaciteta većeg od 10 l/s su od interesa za Federaciju BiH, a za sva ostala kantoni su u obavezi da pitanje nadležnosti riješe svojim Zakonom o vodama. Zakon o vodama Kantona Sarajevo je sva izvorišta koja su od lokalnog značaja i sa kojih se vrši vodosnabdijevanje putem svih vodovodnih sistema koja su izvan centralnog vodovodnog sistema Kantona Sarajevo, stavio u nadležnost općina. Možemo konstatovati da su sve općine izvršile obavezu donošenja Odluka za utvrđivanje zona sanitarne zaštite u skladu sa navedenim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine FBiH“, broj: 88/12). Ovo se odnosi na sve općine Kantona Sarajevo, a tiču se vodovodnih sistema koji su u nadležnosti općina.

Drugi dio odgovora se odnosi na vodozaštitne zone centralnog vodovodnog sistema Kantona Sarajevo. Bitno je naglasiti da za sva izvorišta postoje Odluke o utvrđivanju zona sanitarne zaštite i utvrđivanju zaštitnih mjera. U ta izvorišta, sa kojih se snabdijeva centralni vodovodni sistem, spadaju vrelo Mošćanice i planinska vrela, te Peračko vrelo i otvoreni tok rijeke Vogošće, kao i **izvorišta vode za piće u Sarajevskom polju**. Svi elaborati i Odluke o utvrđivanju zona sanitarne zaštite, koje se temelje na njima, su donešeni u periodu od 1985-1990. godine. **Moramo konstatovati da Odluke postoje.**

Ono što stvara konfuziju/zabunu jeste Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine FBiH“, broj: 88/12), koji je propisao da se u određenom vremenskom periodu sve postojeće odluke o zaštiti izvorišta vode za piće trebaju uskladiti/ažurirati sa odredbama ovog pravilnika. Također, možemo konstatovati da ni za jedno izvorište nije izvršeno usklađivanje postojećih odluka, ali da su sve aktivnosti pokrenute. **U obavezi smo također napomenuti da su sve postojeće odluke, koje su rađene u periodu od 1985.-1990.godine, urađene po pravilnicima koji su imali strožije kriterije/uslove za utvrđivanje zona.** Zakonska obaveza je postupanje po ovim odlukama sve dok se ne izmjene. Sa aspekta sigurnosti, ne postoji rizik zbog nedonošenja ili kašnjenja inoviranih odluka.

Poseban i kompleksan problem predstavlja zaštita izvorišta vode za piće u Sarajevskom polju. Zapravo, radi se o najkompleksnijoj mogućoj vodozahvatnoj zoni u okviru koje se nalazi više vrsta izvorišta, pogotovo što se zone zaštite protežu na područje oba entiteta, koji imaju različite Pravilnike.

Zaključak:

Stanje oko vodozaštitnih zona Sarajevsko polje je alarmantno zbog nepostupanja po još važećoj Odluci iz 1987. godine. Odgovor na trajnu zaštitu i osiguranje obezbjeđenja potrebnih količina vode za Sarajevo nalazi se u „Odluci o privremenoj zaštiti izvorišta vode za piće Sarajevsko polje“, koja je 25.05.2018.godine dostavljena Ministarstvu privrede Kantona Sarajevo na daljnje postupanje. Ista je trebala da bude dostavljena Skupštini Kantona Sarajevo na usvajanje. To je u ovom momentu jedina aktivnost koja nas može sačuvati od kolapsa sistema i da uspijemo, eventualno, sačuvati ovaj resurs koji je vitalan za Sarajevo.

S poštovanjem,

Dostavljeno:

1. Naslovu, 2x
2. Vlada Kantona Sarajevo, na znanje,
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1